

արքայութիւն պարգեւեացէ, և արդ մեք Թիֆլիզեցիքս . . . ¹⁾»:

Այս եկեղեցւոյ զրան մի խաչքարի վերայ միայն ՌԾԹ (1610) թուականն էր երեւում: Նոյն եկեղեցւոյ աւազանին ներքեւն գրած է.

«Սուրբ աւազանս յիշատակ է ի Քրիստոս հանգուցեալ Սանաթին՝ բարեխօսեցէք վասն հոգոյ Տէր Յովհաննէսին և իւր կողակցին ի Քրիստոս հանգուցեալ Սուլթան Կիւլիին. թվին ՌԼԶին (1587):

Իսկ սուրբ Աստուածածնայ նորակառոյց եկեղեցին կառուցված է վեց սիւների վերայ արդեամբք բարեպաշտօն իշխան ազայ Պետրոսի Ներսիսեանց 1845-1850 թուերին, որոյ տապանագիրն նոյն եկեղեցւոյ զրան առաջին կանգնած արձանաքարի վերայ հետեւեալն է, որ արժանաւոր մարդոյ արդիւնաւոր աշխատութեան վայելուչ զրուատ և զամբանական է իսկապէս:

«Ազայ Պետրոս Յակովբեան Ներսիսեանց յազնուական տոհմէ Մէլիքեանց Հայաստանի պատուանուն Քաղաքացի և Ասպետ որոյն Աննայի երրորդ աստիճանի Հանգեալ ի Տէր ի 20 Ապրիլի 1856 ամի»:

«Ընդէ՞ր կոթողք, հիմ և արձանք-վեմք քարակոփ՝ յարդարին.

¹⁾Այս հին եկեղեցին աւերուած լինելով՝ յարգոյ եղբայր Լաւոյեանք ալ Ագեքոսեանքն և Բալարէկն խոստացան եկեղեցւոյ սեղանոյ տեղը մատու չինել. իսկ շրջապատը Ռաաջնորդարան և տղայոց դպրոց և այս մասին խնդրագիրն արդէն ուղարկել են նոքա առ Կաթողիկոսն: